

Headlines

1. प्रधानमंत्री नरेंद्र मोदी होरें कुवैत, कतर ते ओमान दे लीडरें कन्नै गल्ल कीती। पच्छिम एशिया संघर्ष बश्कार उंदी सम्प्रभुता ते क्षेत्रीय अखंडता दी लोआंघना दी निंदेआ कीती।
2. मुख्मन्त्री उमर अब्दुल्ला होरें आखेआ ऐ जे विकसित भारत दी सोच देसै दे हर राज्य ते इलाके च सभनें गी कन्नै लेइयै चलने ते बरोबर विकास कन्नै साकार होई सकदी ऐ।
3. समूलचा देस अज्ज होली मना करदा ऐ। राष्ट्रपति द्रौपदी मुर्मू होरें देसै गी होली दियां शुभकामनां दित्तियां न।
4. राइजिंग स्टार कोर दे जीओसी होरें मामून सैक्टर च फौजियें दी अभिजान सरबन्धी तैयारियें दी समीक्षा कीती।

<><><><><><>

PM-Kuwait

प्रधानमंत्री नरेंद्र मोदी होरें कुवैत दी सम्प्रभुता ते इलाकाई अखंडता दी खलाफवर्जी दा निंदेआ कीती ऐ। कुवैत दे शहजादे शेख सबाह अल खालिद अल हमद अल मुबारक हुंदे कन्नै कल टेलीफोन पर गल्ल करदे होई श्री मोदी होरें आखेआ जे भारत इस मुश्कल समें च कुवैत दे लोके कन्नै न। उनें क्षेत्रीय अमन-रमानदारी ते स्थिरता दी बहाली च गल्लकथ ते कूटनीति दे महत्वै पर बल पाया। प्रधानमंत्री होरें इक सोशल मीडिया पोस्ट च कुवैत च भारती समुदाय दी सुरक्षा ताई कुवैत दे लीडरें दे लगातार समर्थन दी तरीफ कीती। प्रधानमंत्री होरें कतर दे अमीर शेख तमीम बिन हमद अल थानी हुंदे कन्नै बी गल्लकथ कीती ते कतर कन्नै पक्की इकजुटता दस्सी। उनें कतर दी सम्प्रभुता ते क्षेत्रीय अखंडता दी कुसै बी लोआंघना दी सख्त नुक्ताचीनी कीती। श्री मोदी होरें ओमान दे सुल्तान हैथम बिन तारिक हुंदे कन्नै गल्लबात च पच्छिम एशिया च हाल दे हालात पर बचार बमर्श कीता। उनें कतर ते ओमान दी सम्प्रभुता ते इलाकाई अखंडता दी लोआंघना दी बी निंदेआ कीती।

<><><><><><>

West Aisa

पच्छिम एशिया च संघर्ष अज्ज 5में दिन बी जारी रेआ। इजराएल ते अमरीका दियें सांझी फौजे ईरान दे परमाणु ठकानें पर हमले कीते न। तोआई, इरान नै बी ड्रोन हमले रम्भ करी दित्ते न। इजराएल नै खुफिया जानकारी दी विनाह पर इरानी शासन दी परमाणु हथियार विकसित करने दी क्षमता आहले तेहरान चपरमाणु हथियार विकास केंद्र पर हमला कीता। इजराएल नै आखेआ ऐ जे अभिजान दे रम्भ होने परेंत थमां औदी ब्हाई सेना नै तकरीबन 300 ईरानी मिसाइल लांचरें गी नष्ट करी दित्ता ऐ। इजराएल नै लेबनान च बी अपने ब्हाई हमले तेज करी दित्ते न ते हिज्बुल्लाह कन्नै जुडे दे तकरीबन 60 ठकानें गी शाना बनाया। अमरीकी केंद्री कमान दे कमांडर एडमिरल ब्रैड कूपर होरें आखेआ जे अमरीका अजे नेई रूकोग ते ईरान दी जवाबी हमला करने दी समर्था तेजिया कन्नै घट होआ करदी ऐ।

<><><><><><>

Indian-Airlines

इंडियन एयरलाइन्स अज्ज भारत ते खाड़ी क्षेत्र बश्कार 58एं डोआरियें गी चलाने लेई तैयार ऐ तां जे चला करदे संघर्ष करिये पच्छिमी एशिया च फसे दे लोके दी वापसी गी सखल्ला बनाया जाई सकें नागरिक हवाबाजी मंत्रालय नै इक्क ब्यानै च दस्सेआ जे भारती एयरलाइन अज्ज 58 डोआरियां चलाने पर कम्म करा करदी ऐ जिंदे चा होरनें दे अलावा इंडिगो दियां 30 ते एयर इंडिया कन्नै एयर इंडिया एक्सप्रेस दियां 23 डोआरियां शामिल न।

<><><><><><>

## CM -Viksit Bharat

मुख्यमंत्री उमर अब्दुल्ला होंरें कल आखेआ जे विकसित भारत दी सोच मुल्ले दे हर प्रांत ते हर राज्य च बरोबर विकास ते समावेशिता कन्नै यकीनी कीती जाई सकदी ऐ। उ'नें आखेआ जेकर तरक्की किश चुनामियें थाहरें तकर महदूद रेही तां देसै दा विकसित भारत आहला सुखना पूरा नेंई होई सकोग। मुख्यमंत्री होंर जिलें दे पूरे-पराते विकास बारे इक दिनै दी राश्ट्रीय प्रशासनिक कांफ्रेंस गी सम्बोधित करा'रदे हे। इस प्रोग्राम दा सरिस्ता भारत सरकार दे प्रशासनिक सुधार विभाग ते जन शकैतें मैहकमे ते जम्मू-कश्मीर सरकार नै रलियै कीते दा हा। इस मौके पर कार्मिक राज्यमंत्री डाक्टर जीतेन्द्र सिंह- सांसद जुगल किशोर शर्मा- मुख सचिव अटल डुल्लु ते केई बडे अधिकारी बी मौजूद हे। अपने कुंजी भाषण च मुख्यमंत्री होंरें आखेआ जे सच्चाई इय्यै ऐ जे विकसित भारत इक हकीकत- तां गे बनी सकदा ऐ जेकर समूलचे भारत च विकास कीता जा- ना के छड़ा किश राज्यें ते प्रांते च।



## GoC-Rising Corps

राजिंग स्टार कोर दे जीओसी लेफ्टिनेंट जनरल राजन शरावत होंरें अज्ज मामून सैक्टर च फौजियें दी अभिजान सरबंधी तैयारियें दी समीक्षा कीती। मामून सैक्टर जेदा मुख्यालय पठानकोट च ऐ, जम्मू-कश्मीर दे साम्बा ते कठुआ दौनें सरहदी जिलें दे अलावा जम्मू जिले दे किश हिस्सें च अभिजान सरबंधी इलाके दी कमान साम्बधा ऐ। जीओसी होंरें फौजियें दे उंदे कम्म करने दे माहिराना तरीके, उच्चे हौसले ते देसै बक्खी बचनबद्धता दी तरीफ कीती।



## Holi -Festival

रंगें दा त्योहार “होली” अज्ज पूरे मुल्ले च जोश ते जज्बें कन्नै मनाया जा'रदा ऐ। एह त्योहार बुराई पर अच्छाई दी जित्त दा प्रतीक ऐ ते बसंत दे मौसम दी आमद दी निशानदेही करदा ऐ। “होली” समाज दे सबनें वर्गे गी जात-मजहब थमां उप्पर उठियै ते आपसी भाई-चारे दा सनेहा दिंदी ऐ। इस ध्याडे लोक इक-दुए गी गुलाल लाहंदे न ते शुभकामनां देइयै मठेआइयां खलांदे न। जोआन जागत-पूगत- लोकप्रिय फिल्मी गीतें दियें धुनें पर नाच करदे गलियें च “होली” मनांदे न ते बच्चें-पानियें नै भरोसे दे फलूस इक-दुए पर मारदे न ते त्योहारें दा नंद लैंदे न। तोआई, राश्ट्रपति द्रौपदी मुर्मू, उपराश्ट्रपति सी.पी राधाकृष्णन ते प्रधानमंत्री नरेंद्र मोदी होंरें होली दे मौके पर लोकें गी मुबारकबाद दिती ऐ।



## Holi J&K

जम्मू-कश्मीर दे उपराज्यपाल मनोज सिन्हा ते मुख्यमंत्री उमर अब्दुल्ला होंरें रंगें दे त्यौहार होली दे मौके पर लोकें गी शुभकामनां दित्तियां न। उपराज्यपाल होंरें सभनें आस्तै सुख ते सफलता दी कामना कीती। उत्थे गै मुख्यमंत्री होंरें मेद जताई जे इस त्यौहार कन्नै साम्प्रदायिक भाईचारा मजबूत होग ते आपसी सम्मान गी बढावा थहोग। उपमुख्यमंत्री सुरिंद्र चौधरी होंरें बी लोकें गी शुभकामनां दित्तियां ते आखेआ जे होली दा धार्मिक ते सांस्कृतिक महत्व बडा गूढा ऐ ते सब लोक इसी बडे जोश कन्नै मनांदे न।



## Holi-ITBP

जम्मू खित्ते च तैनात आई.टी.बी.पी दी सशक्त इकाई दी साक्षम 47 गी बटालियन नै अज्ज होली दा त्यौहार बडे उत्साह ते जोश कन्नै मनाया। इस मौके पर अफसरें ते जवानें इक-दुए गी शुभकामनां दित्तियां ते इस त्यौहार गी रिवायती जश्न कन्नै मनाया। आई.टी.बी.पी दी इक महिला इंस्पैक्टर नै आखेआ



## Holi-Rajouri

राज्यसभा सदस्य गुलाम अली खटाना होरें बीजेपी दे कार्यकर्ताएं कन्नै राजौरी च होली मनाइ, ते देसै दे सभनें लोकें गी शुभकामनां दित्तियां न। अपने इस दौरे दरान सांसद होरें जिले दे केइयें ग्राएं दा दौरा लाया जिंदे च मंजाकोट ते बारोट शामिल न जित्थें उनें मकामी लोकें कन्नै गल्लबात कीती ते उंदी शकैतें ते चैंताएं गी ध्याना कन्नै सुनेआ। अगगे सांसद गुलाम अली खटाना होरें आखेआ

<><><><><><>

## Holi-Kishtwar

किश्तवाड़ च बी होली दा त्यौहार जोश जज्बे कन्नै मनाया गेआ। लोकें इक्क दुए गी रंग-गुलाल लाइये मटेआइयां बंडदे ते शुभकामनां देइयै त्यौहार मनाया। किश्तवाड़ थमां विधायक शगुन परिहार होरें किश्तवाड़ शहर च कड्डी गेदी यात्रा च हिस्सा लैता। उनें सी.आर.पी.एफ ते जेएण्डके पुलस सने दुए सुरक्षाबलें कन्नै होली मनाई। इस मौके पर उनें आखेआ

<><><><><><>

## Holi-Udhampur

उधमपुर बपार मंडल नै मकामी जिला प्रशासन कन्नै रलियै राधा-कृष्णन मंदर आदर्श कलोनी उधमपुर थमां होली कन्नै सरबंधी इक बड्डी शोभा यात्रा कड्डी जेडी शहरा दे मुख बजारें थमां लंगघदे होई लोकें च खुशी ते आपसी भाईचारे दा सनेआ दित्ता। इस मौके पर सुरक्षा दे पुख्ता बंदोबस्त कीते गेदे हे। डिप्टी एस.पी हैडक्वार्टर उधमपुर प्रहलाद शर्मा होरें आखेआ बपार मंडल उधमपुर दे उप प्रधान राहुल मगोत्रा होरें दस्सेआ

<><><><><><>

## Holi-Poonch

देसै दे होरनें हिस्से आडर पुंछ जिले च बी रंगें दा त्यौहार धार्मिक जोश जज्बे कन्नै मनाया गेआ। होली समूलचे जिले च मनाई जंदी ऐ जिल्ले के मुख होली समारोह श्री गीता भवन पुंछ च आयोजित कीता गेआ जित्थे सनातन धर्म सभा आसेआ इक शोभा यात्रा कड्डी गेई। इस यात्रा च होली समारोह च सभनें समुदायें दे लोकें बड्डी बह गिनतरी च हिस्सा लैता। इस सरबंधै च पुंछ दे उपायुक्त अशोक कुमार शर्मा होरें आखेआ

<><><><><><>

## Cricket

ICC Men's T-20 विश्व कप च दक्खन अफ्रीका अज्ज कोलकाता दे इडन गार्डन च पैहले सैमीफाईनल मकाबले च न्यूजीलैंड कन्नै खेडुगे। मैच भारतीय सभें मताबक संजा 7 बजे शुरु होग। दुए सैमीफाईनल मकाबले च भारत दा मकाबला इंग्लैंड कन्नै होग। एह मैच कल मुम्बई दे वानखडे स्टेडियम च खेडुया जाग। दौनें मैचे दे विजेता 8 मार्च गी अहमदाबाद दे नरेन्द्र मोदी स्टेडियम च फाईनल लेई खेडुगंन।

<><><><><><>